



Ilinniarfinnut tamanut

Ilinniarnerminnik unitsitsiinnartartut annikillisinneqarnissaa pillugu suliniutinut aningaasaliissutigineqartartunik agguuassisarnermut malittarisassat.

Kalaallit Nunaanni Namminersorlutik Oqartussat aningaasanut inatsisaanni aningaasanut killiliussat atugassanngortinneqartut iluanni suleqatigiissitap suliniutit ilinniarnerminnik unitsitsiinnartartut annikillisitsinnaasut salliutilersaarpai. Suliniutigineqartut naliliinissamut tunngavissat kinguliiniittut aallaavigalugit tulleriiaarneqartassapput:

- Nalilerneqarpat, suliniutigineqartut annertuumik unitsitsiinnartartut sunniuteqartussaasut.
- Suliniutit ilinniarfiit suliarissallugit pisussaaffigeriigaasa avataanniittut.
- Suliniutit nutaanik nalinginnaasunillu misilittagaqalersitsisut, pissusaallu imaattut ilinniarfinni allani atorneqarsinnaassallutik.
- Suliniutit, ilinniarfimmit namminermit imaluunniit oqartussaasunit aningaasaliisartunit allanit aningaasaleeqataaffigineqartut.

Ukiumut aningaasaliiviusumut 2010-mut qinnuteqarnissamut killiliussaq tassaavoq 1. september 2010. Ukiumut aningaasaliiviusumut 2011-mut killiliussat tassaapput 1. december 2010, 1. marts 2011, 1. juni 2011 aamma 1. september 2011.

Qinnuteqaatit suleqatigiissitamit suliarineqartassapput qinnuteqarnissamut killiliussat taaneqartut kingusinnerpaamik ullunik 14-inik kingoqqullugit.

Aningaasaliissutit taamaallaat ukiumut aningaasaliiviusumut aalajangersimasumut tunniunneqartassapput. Tassa imaappoq suliniutinut ukiuni arlalinni ingerlasussatut naatsorsuutigineqartunut ukiumut aningaasaliiviusunut tamanut aalajangersimasunik qinnuteqaatinik nassiussisoqartassaaq.

Qinnuteqaat:

Qinnuteqarluni immersuiffissaq suliarineqareerpoq aqutsisoqarfiullu nittartagaani uunga iserluni aaneqarsinnaavoq:

http://www.nanoq.gl/Emner/Landsstyre/Departementer/Departement_for_kultur/KIINN_st_yrvelse/Initiativer_for_at_mindske_frafald.aspx

Qinnuteqaat uunga nassiunneqassaaq:

KIIIA

Att: Arbejdsgruppe for initiativer for mindske af frafald.

Postboks 2221

3900 Nuuk

21. juli 2010
Sagsnr. 2009-023756
Dok. Nr. 280750

Postboks 1029
3900 Nuuk
Tlf: +299 34 50 00
Tlf: +299 31 13 70
Email: kiiia@gh.gl
www.nanoq.gl

Qinnuteqaat qarasaasiakkut uunga nassiunneqarsinnaavoq: KIIIA@nanoq.gl.

Naliliisarneq:

Suliniutinut tamanut tapiissutinik tigusiffiusimasunut ukiumoortumik naliliisoqartassaaq. Naliliilluni nalunaarusianut piffissamik killiliussaq tassaavoq aningaasaliissutit kingorna-tigut ukiumi 1. marts. Qinnuteqarluni immersuiffissami naliliinermut inissaliisoqarsimavoq ator-neqartussamik.

Naliliilluni nalunaarusiaq quppernernik A4-nik marluk missaannik annertussuseqassaaq imarissallugillu:

- Suliarineqartut allaaserineqarnerat
- Misilittagarineqalersut, pitsaasut ajortullu
- Angusassatut naatsorsuutigineqartunut tunngatillugu sunniutaasunik angusari-neqartut
- Suliniummut iluarsiiisutaasinnaasunik isumassarsiaajunnartut suliniutigineqar-sinnaajunnartullu allat
- Aningaasaliissutigineqartunut naatsorsuutit

Ukiumoortumik nalunaarusiaq tamarmiusoq Kalaallit Nunaanni Namminersorlutik Oqar-tussat nittartagaannut ikineqassaaq, taamaalilluni tamanit takuneqarsinnaaniassammat.

Aningaasaliissutigineqartunik nuussinermi periaasissat:

Ilinniarfiit Kultureqarnermut, Ilinniartitaanermut, Ilisimatusarnermut Ilageeqarnermullu Aqutsisoqarfimmut naatsorsuuserinermut nalunaarutit atorlugit ingerlaavartumik akilee-qatigiissuteqartassapput "ilinniarnerminnik unitsitsiinnartartut annikillisinneqarnissaanut suliniutit" ataanni aalajangersimasumik suliniutigisaminnut erseqqissumik innersuussa-qarlutik.

Inussiarnersumik inuulluaqqusilluta

Ilinniarnerminnik unitsitsiinnartartut annikillisinneqarnissaanut suleqatigiissitaq